

Newen debwewinan owi COVID-19 ashowizo-mashkikiin

Jiitawaaganiwinan ji-onji-aakozising aawinon memaanji nishing awii ginowendam gdo mina bimaadiziwin. Gekendaagwok waabmdowemigad newen COVID-19 ashowizo-mashkikiin enkaazang Gaanada aapaji gwa nishinon nigaasijigaadeg gichi niizaanag aakoziwin, aakozi gamgoong biindigeng minwaa nibowin.

Gichi piitendaagwod yaaman gdo jiitawaaganiwinan ji-onji-aakozising oshki-aawong e'giikimigaadeg agiin onji, owi e'digosing aanke ashowizo-mashkiki bidakogewinan. Gamaawipii ani aawong, gnowenimigowin owi COVID-19 ashowizo-mashkikiin ada naazhisemigad. Owi aanke ashowizo-mashkiki bidakogewinan makowaabmdaan owi gdo naadamaagoying awii bwaa aakoziwin waazhi gnowendizomigag miinwaa maadmaagemigad awii giigisemigag ashowizo-mashkiki epiichi nakiimigag owi awii bwaa gichi niizaanag aakoziwin.

Aanawi gwa zhaazhigwa COVID-19 miniwesiwin adaa miigwemigad aanin gnowenjigewin, oshki aawong jiitawaaganiwin ji-onji-aakozising e'digosing aanke ashowizo-mashkiki bidakogewin yaa-aabi giikimigaademigad awii temigag woshme gichi gnesh gnowenjigewin miinwaa woshme awii nakiimigag. Ganoosh gdo mina bimaadiziwin maagwed maage odenaang mina bimaadiziwin naagaanzijig owi woshme gikendamowin owi apii memaanji nishing awii debinaman jiitawaaganiwin ji-onji-aakozising shkwaa yaaman miniwesiwin.

Shkwaa COVID-19 namjiwin aawan owi woshme gnesh namjiwinan aanin bemaadizijig e'mooshtowaad shkwaa yaamiwaad COVID-19 miniwesiwin. Gaawii ngii gikendiziinaa enji zhiwebak shkwaa COVID-19 namjiwin, dash owi memaanji nishing nikiiyaa awii nigaasijigaadeg owi aawan awii nda zhichigeng awii miwishkamang debinigaadeg COVID-19, dibishko gonaa debinigaadeg jiitawaaganiwin ji-onji-aakozising miinwaa naagijigaadeg bemaadizijig mina bimaadiziwin naaknigewinan.



Minwaabmjigaadeg ashowizo-mashkikiin



Mashkiki eshtojig gichi wiingeziwog nda gikendamowaad COVID-19 ashowizo-mashkikiin epiichi zhichigaadeg. Mina Bimaadiziwin Gaanada dash miinwaa gichi weweni nda-gikendaanaa ensa bezhig ashowizo-mashkiki.

Ashowizo-mashkikiin goweta minwaabmjigaadenon awii nikaazang maampii Gaanada giishpin nakweshkigaadeg aakwaadendaagwog waankiiwendaagwog, nakiimigag miinwaa e-shpaamigag gikinwaabanjigewinan owi Mina Bimaadiziwin Gaanada. Mina Bimaadiziwin naagaanzijig aabajitaawog awii naagazowaabmdamiwaad COVID-19 ashowizo-mashkikiin apii minwaabmjigaadeg awii gagwekwendaagwog waankiiimigag nikaazang.

Nowonj dnowaa ashowizo-mashkikiin



mNRA ashowizo-mashkikiin aawinon e'giikimigaadeg ashowizo-mashkikiin memaanji niibna bemaadizijig awii debinamiwaad zhiwe Gaanada.

Maanda dnowaa ashowizo-mashkiki miigwemigad owi gikendamowin gdo gaa-agaasing gaa-onji maajiiging bimaadiziwin wiiyawing awii zhitoomigag corona aakoziwi-manijooshens miijimiwin. Maanda miijimiwin maajitaachigemigad owi wiiyaw gaa-naadamaagoying aakoziwin nakwetamowin awii naadmaagemigag gnowenjigewin awii bwaa maajitaamigag miniwesiwin owi aakoziwi-manijooshens maagwemigag COVID-19, miinwaa awii bwaa gichi aakozing. Aanowi gwa jiitawaaganiwin ji-onji-aakozising naazhinaan owi awii debinaman COVID-19 miniwesiwin, yaa-aabi gwa gdaa debinaan miniwesiwin waa-aaj gwa shkwaa debinaman COVID-19 jiitawaaganiwin ji-onji-aakozising.

Giishpin gaawii maamdaa awii debinaman owi mRNA ashowizo-mashkiki, Gaanada age agii minwaabmdaanan bkaan dnowaa COVID-19 ashowizo-mashkikiin, e'digosing manijoshens biindagijigaadeg gdo gaa-agaasing gaa-onji maajiigin bimaadiziwin, miijimiwin aankewin miinwaa myaajiiging abi njibaamigag ashowizo-mashkikiin. Ganoosh mina bimaadiziwin maagwed maage bemaadizijig mina bimaadiziwin naagaanzijig owi gnimaa bkaan dnowaa ashowizo-mashkiki aji miigsemigag giin onji.

Aabijitaan awii aagwiitosidowin bebezhiig bemaadizijig mina bimaadiziwin naaknigewinan



Ashowizo-mashkikiin miinwaa bebezhiig bemaadizijig mina bimaadiziwin naaknigewin yaa-aabi gichi piitendaagwodoon awii naadmaagemigag gnowendiman gdo mina yaawin miinwaa mina yaawin gewe bekaanzijig bemaadizijig, memdage gwa gewe e'niizaanzijig awii yaamiwaad gechi niizaanag zhiwebiziwin owi abi njibaamigag COVID-19. Ninda naaknigewin memdage nishinon apii maamowi aagwiitosijigaadeg, e'digosing bekaa yaawin endawin apii akooziywin, biishkaman meshkwadanaamong nikaaziwin maage gabiingwebichigan, miinwaa giikinaman biindig biiskwaasing nodin.

Debinan debwewinan. Zhaan Canada.ca/covid-vaccine woshme gego awii gikendam.

